

AB  
34B  $\frac{14}{k,7}$





Ps. 147 / Lauda Inimicum . az L

2  
Distinctio legis & Evangelij, Gal: 3 az L.

3  
Sermo de Angelis, Et Matf. 18. 18. az L

4  
Sermo de Maria Magdalena, ex Joan: 11  
5 az L.

Duo sermons sup funere Juris  
Joannis Saxonis defuncti, Ex paulo  
1. Thym: 4 / az L.

6  
De Extremis Judicis & Adventu Juy, Luc. 21  
2. Dominica Adventus / . az L.

7  
Benedictio pp Missam Et Mass, Numerij. 6.  
8 az L.

9  
Expositio vantiq Mass ex Dentor: 32 / . az L.

10  
Vider den Meißler zu Poesen, az L.

11  
Von den Obleinern und vintol prediger, az L.

12  
Ad Mississimū principem Alberto Inro Buteum /  
13 az L. / rām vctansage

Vider das higer und bester Buegel Agnolds yfeng  
14  
Lyonis Balthasars yfanger zu Jiv. H. H. H.

Dicta patrum de Coena Juy / psit: Matf:

Sermo de ecclesia, In die pccati und pccatij  
Evangelium Matf: 18. / Egidij magister



15 De clausura <sup>15</sup> primo extra: 3. p<sup>re</sup>sentia  
Cappam Aquila


16 Von dem Angehörigen Absolution, der Klosterfrauen  
17 Ambanus Hering

Confessio fidei et doctrinae / Post: Joan: Tractatus

18 Abvialis in art: autem et Doctoris Martini Lii  
they.

607.







1A



# Eyn Sermon

mon / von der kir-  
 che / Am tage Petri und Pauli  
 vber das Euangelium Mat-  
 thei. xvi. Geprediget ym Jar  
 1571. Durch Egidium  
 Mecheler Prediger zu  
 Erffurdt.

14





**Eyn Sermon von der kirche / am**  
tage Petri vnd Pauli / vber das Euangelium  
Matthai. 16. Geprediget ynn 1531. Jar.  
durch Egidium Mecheler / Prediger  
Zu Erffordt.:

**A**uff dis mal / wollen wir /  
so vil Gott genade vorleyhet / zweierley  
Chandelen / Erstlich wollen wir bey diesem  
heiligen Euangelio / besehen / Denn missverstandt  
dieses Euangelij / Sintemal die Papisten eben auff  
diesem text ynn Mattheo. sich vnderstanden haben /  
Lynen grundt zu fassen / yhre mutwillige tyranny /  
so sie biszher eyne lange zeit / mit den armen gewissen  
getrieben haben / nach allem yren gefallen / zu besteti-  
gen / Dan alhie vormeinen sie / Das Christus habe  
den heiligen Petrum zu einem Babst gemacht / zu  
Kohm / vnd volgens die andere Besten / mit Petro  
weit weit vor andere apostel / Bischoue vnd prediger /  
mit besonderer gewalt begabet vnd erhaben / Also /  
das alle andere Cardinel / Patriarchen / Ertzbischo-  
ue / Bischoue / pharhern zc. müssen yhre lehen vnd  
gewalt vō Babst / als vō yrem lehen hern entpfahen /  
vnd das aus diesem grundt / Dan (wie die Papisten  
sagen) Christus red alhie zu Petro ynn sonderheit /  
Du bist Petrus / vnd auff diesen vells / wil ich bawen  
meine gemein zc. vnd volgens / Dir dyr Peter wil ich  
die schlussel geben / was du bindest auff erden / sol ges-  
bunden seyn yhm hymel zc. Die weil nuhn / sprechen  
die Papisten / Christus yn sonderheit zu Petro saget /  
dyr wil ich die schlussel geben zc. So muss er auch et-  
was / eine grossere gewalt vor den andern aposteln vō  
Christo

*papistand op  
1. mo.*

*In ijs ad  
Ioh. petru  
loquitur sic Ius de laudibus.*



Cristo als das zukunfftige heubt der Kirchen entpfan-  
gen haben / vnnnd folgens / der Babst / vor den andern  
Bischouen / Prelaten vnd vorstehern der Kirchen. Das  
also bestehe aus diesem grunde / die gewalt / herschafft  
vnd recht des Babst vnd der Römischen Kirche / vber  
den hymel / helle vnnnd erde / Das ist der Papistische  
verstandt vnd gebrauch / dieses Euangelij / welchs sie  
zur erhaltung yrer tiranney / mit grosser gewalt / auff  
diesen verstandt also zihen / aber felsehlich.

Darauff antworten wyr kurtzlich also / wo der  
Babst mit den seinen / rechtlich erhalten vnd behalt  
ten wil / vnd nicht gantz vnd gar vorliren / die gewalt  
oder schlüssel zu binden vñ zu entbinden / So mus er  
zu vor auch wie alhie Petrus Christum erkennen vnd  
bekenē / das er sey des lebendigen Gottes sohn / das  
ist / Eher mus bekēnen vñ predigē Christū / als denen  
Der da von got dem vater gesandt / yn diese welt vmb  
vnsrer willen kommen sey / yn diesem glauben / wort  
vnd bekentnus / stehet aller gewalt vber sünde / tod /  
helle / Teuffel / vnd hymel / vnd widerumb / Yn disen  
glauben / wort vnd bekentnuss / ist der Babst auch selb  
ert vnd alle welt / Gebunden vñ gefangen / vnd bleibt  
gefangen der sünde / Tod / helle vnd Teuffel ewiglich /  
ich wil geschweigen / Das er jemandts solte oder konn  
te one diesen glauben vnd wort absoluieren / dan diese  
gewalt ist nicht der person / sonder der gantzen Kirch  
en zu gut gegebē / darvmb heissens auch / Claues eccle  
sie / Nicht Claues Pape / Item diese gewalt zu bin  
den / odder zu entbinden / stehet nicht yn krafft odder  
wirdigkeit der person / sonder des worts / derhalben  
mus man alhie weit vñ einander scheiden Person  
vnd wort / als weit / als hymel vnnnd erde / Nemlich  
also / das die gewalt der vorgebung der Sünde / nicht  
der person / oder yrgents enigem menschen zugeeyge  
net werde /

*Re: ma*

*Abplūnen*

*Claves eccle  
sic, et non de  
iure papa*



*2<sup>te</sup> vnter  
dem possit  
yda.*

*apostolus  
Ieremias  
/ wort*

*Blau*

net werde/ Dan niemandts vergibt/ odder hat zu ver-  
geben die sünde/ dan got alleyne/ Sonder dem wort  
gottes/ vnd dem / der eyn vrteyl odder sententz felle  
mit dem wort gotes Sonst bleibet wol sünde vn helle  
da/ wenn auch gleich alle Bischoue / Pfaffen odder  
Monche yn aller Besten gewalt absoluireten / Ja  
auch der Babst selber / Dan gott lest sich hören ober  
solche menschliche absolution odder segen/ durch den  
propheten Malachiam / was yr segenet / das wil ich  
verfluchen.

Ausz diesem volget/ dasz die Krafft der Schlüssel/ yn  
zween stücken stehet/ Als nemlich im sententz götlich  
es wortes so der diener der Kirchen / dem gleubigen  
vorheyst die seilicket. Dem verstockten aber vnd vn-  
gleubigen drowet von gottes wegen / die ewigen ver-  
damnuß / wie Christus saget wer da gleubet vnd ge-  
taufft wird / der wird selig werden / wer aber nicht  
gleubet/ der wird verdampt werde Marci am letzte.

Das ander ist der Glaub / des dem solch vrteyll  
vber die sünde gesprochen wirdt / Wer nbn auß  
Krafft götliches wortes absoluiet/ der absoluiet/ Er  
sey Babst/ Bischoff/ Pfarrer odder Capellann/ vnd  
widerumb/ Wer auß seiner gewalt oder namen Pe-  
tri vnd Pauli/ odder des Babst / odder Römischen  
stulesz absoluiet/ der absoluiet nichts / Er sey auch  
der Babst selber/ odder wer er wolle.

Derhalben volget auch nuhn. Das solche beson-  
dere/ außgezogene / Partheyche gewalt vber sünde /  
helle vnd hymel/ Heyligen zu Canonisiren/ Andere zu  
verdampnen so der Babst ym/ auß diesem text ertz-  
zungen hat/ Gantz mit vnrecht im zugemessen habe  
Dann Christus hatt ein einiges Euangeliū/ vnd dar-  
durch die vergebung der sünden/ Nicht ins Babst na-  
men/ Sondern (wie Lucas schreybet am. 24. Capit.)  
yn seinem



yn seynem namen / Allen Aposteln zu gleich yn aller  
welt zu predigen beuolen.

So zeuget auch der Cyprianus in tract: de Sim-  
plicitate prelatorum / wie dan auch solches der Babst  
yn seynem Decret selber anzeucht 24. q. 1. Capi: Lo-  
quitur 2c. vnd deutet diese wort zu Petro yn sonder-  
heit geredt. Gleichwie auch die wort / da Christus  
nach seiner auffstehung zu ym sprach. Simon Joh-  
anna hast du mich lieb? Antwort Petrus. Ja heer du  
weissst / das ich dich liebe. Spricht Jesus zu im wei-  
de meine lemmer 2c. Joh. 21. Diese wort vnd die vor-  
gen alle deutet Cyprianus vñ der Babst nicht wie die  
Papisten / auff eine besondere parteyische gewalt Pet-  
tri / oder yrgents eines menschens. Sonder er spricht  
Das Christus solche wort zu Petro als zu eyner bes-  
sondere person nür darüb gered habe / Das er da mit  
anzeige vnd bedeutten wolle / Die eynikeit der eynigen  
Neylige Christlichen Kirche. Aber die auslegung  
Cypriani vñnd des Babst selber dinet den Papisten  
nicht / Dann wo wolten bleiben sonst / Die Abblas-  
briuen / Confessionalia / Absolution / Reservat Best-  
licher / Bischhofflicher / Eptischer / Ertzpriesterscher  
vñnd priesterscher gewalt. Summa / Das gantze  
Babsthum das müste gantz vñd gar zugrunde gehen  
wo diese personliche / Römische vñd parteyische eygen-  
ertichte gewalt nicht bestehen solte. Derhalben gestes-  
henn sie auch alhie dem Cypriano seiner glosen nicht  
Sondern sie wurd auch Lutherisch müssen sein. Die  
weil sie wider yre ertichte personliche vñd parteyische  
gewalt redt / vñnd obertzeuget sie also. Das sie eytel  
feel / Ja diebes schlüssel vñd schlüssel zum gelt Kasten  
der deutschen / in yrer kirchen haben Welcher art der  
Christlichen Kirche schlüssel nicht seyn / Dann sie fehen  
nicht / Als wenig das wort odder sententz gottes felet

A iij So man

*Cyprianus*  
*tibi dabo*  
*claves regni*  
*in quibus*





So manh nür feste gleubet dem vrteil vñnd sententz  
gottes. So vntersteet sich auch keyn Christlicher pred-  
diger / Bischoff odder Pfarher / yemandts zu seligen /  
odder zu verdampnen / Ja esz kanß auch keyner thun /  
on gott alleyn. Spricht aber ein Christlicher dyener  
lemandts selig odder verdampft / So thut er dz nicht  
ausz eigener gewalt / odder ynn seinem namen / Son-  
dern ausz krafft götliches vrteils / wie Christus saget  
Wer da gleubet / der wird nit gericht / wer aber  
nit gleubt / der ist schon gericht / denn er gleubt nit am  
den namen / des eingebornen sohn gottes. Joha. 3.  
Das seind die schlüssel vñnd gewalt der kirchē. Von der  
personlicher vñ parteycher zurstümmeleter / Papis-  
tischer gewalt / weis die geschrift garnichts. Denn  
auch der heilige Hieronimus zeuget / vñnd ym Decret  
solchs verfasset ist Dist. 95. Cano. Olim 2c. Et canone  
Esto subiectus 2c. Das die Bischoue vñnd andere priest-  
ster / etwan gantz gleich / eynes standes vñnd gleicher  
gewalt gewest sein. vñ Ehe ausz eingebung des Teuf-  
fels vnter der Christlichen religion so vill secten vñnd  
zurteilung sein würdē / Das man sagt / Ich bin Pau-  
li / Ich bin Apollinis / Ich bin Cephe 2c. da seind die  
Christliche gemeinen / durch gemeinen radt der priest-  
er vñnd furstehung regiret worden / vñnd darumb sollen  
die Bischoue wissen / Das sie priester / Das ist diener /  
vñnd nicht herrn der kirchen sein. Das sey auff dis mall  
in der kurtze genug gered / von dem ersten teyl / Nem-  
lich von dem missverstand / vñnd rechten gebrauch der  
schlüssel der kirchen zu binden vñnd zu entbinden. Nun  
wollen wyr auch so vil gott genade verleyet / vom an-  
der teil / Das ist / vom der kirchen ein wenig reden 2c.

### Von der kyrchen.

Die Papisten habenn keynenn bessern schein vñnd  
deckel

*Jabe . 3.*

*Nota signis  
litatibus  
remotum  
dicitur*



Deckel / da mit sie yre schande vnd yrthumb ziren vnd  
schmücken / Als da ist die kirche / die muss herhalten /  
vñ alles yres greuls schandeckel sein. Vñ zum andern  
Vns vnd vnserere lere zu verdampnen / wendē sie aller  
meist fur / den namen der kirchen / nemlich also wer  
da austridt vnd nicht bleibt in der gemein der Christ  
lichen kirchen / vñ nicht helt die eynikeyt der selbi  
gen / Der ist ein ketzer verdampnt vnd vnchristlicher  
mensch vnd schliessen daraus getrost / Nemlich also  
Darumb seind die Lutherischen alle ketzer warumbē  
Sies seind (sagen sie) abgewichen von der eynikeyt  
der Christlichen kirche. wer saget das? Die Papisten  
sagens. Aber es gilt nicht sagens. Es gilt beweisen  
das die Lutherische vñ der Christlichen kirche abge  
treten seind / Denn lieber gott / man mus ia die leutte  
nicht / so leychtfertig ketzern / vnd von der kirchen ab  
sondern vñ nicht so leychtfertig sagen / Du bist eyn  
ketzer / Du bist abgewichen von der Christlichen  
kirche / Man wisses dan mit gutten grundt der gesch  
riff zu beweisen. Beweisens gilt es / Nicht on grundt  
also trötzig hin zureden / Denn solchs trifft nit eynen  
newen rock an des schaden man sich wol erholen kan.  
Sondern es trifft die seele an Des schadens keine  
erstattung ist. Verhalben wyr nicht on vrsach diesen  
Papistischen Sylogismum yn keinem wege zulassen  
so sie also arguiren. wer da nicht bleibt yn der eyni  
keit der Christlichen kirche / Der ist ein ketzer / Die  
Lutherische seind abgewichē vñ der eynikeyt der Chri  
stlichen kirche / Ergo Seind die Lutherischen ketzer /  
Diese consequentz ist vns ia yn keinem wege / leidlich  
Denn wie woll wir die erste proposicion vor recht /  
Christlich vñ gutt achten vñ bekennen / So  
vornelnen wyr gantz vñ gar die andere.

Nemlich

*Sand Juffe  
ist gung  
Luthers Pad  
Lutha gung  
proband*

*Sylogismus  
papisticus*



Nemlich so sie vnns auß schreienn / als die yentgen /  
welche von der Christlichen kirche abgewichen seind /  
welchs sie nimmer mer mit recht erhalten / beweysen  
werden noch sollem / Das weis ich vor war. Dann  
trotz vnd aber trotz sey allen Papisten geboten / Das  
sie einigen artickel des Christlichen glaubens anzihen  
vnd bewerren / Das wyr der selbigen eynen vorleuckne  
odder darwider leren . Sie wolten den sagenn / wyr  
glauben vnnnd halten nicht / wie der Babst / odder die  
Römische kirche glaubt / leret vnnnd lebt . vnd wolten  
darausz schliffen . Ergo Seind sie abgewichen von  
der Christlichen kirche . Solche consequentz wurd  
noch lange nicht volgen noch bestehenn . Denn der  
Babst noch Römische kirche ist ya nicht / Die Cristli  
che kirche . So mus mania auch nicht / des Babst lere  
vor artickel des Christlichen glaubens halten noch  
achten / Syntemal weder der Babst nach Concilien /  
nach die Römische kirche / Ja auch nicht die Christ  
liche kirche / macht habe einigen artickel des glaubens  
zusetzen / Sondern sie lest yr artickel des glaubens  
stellen durch das einigewort Christi yres breutgams  
welchem sie allein glaubt / anhangt / vnnnd gehorsam  
ist / keynem andern / vnnnd ab woll der Babst gesetz zu  
machenn gewalt hat / So hat er doch keinen artickel  
des glaubens zustellen / oder etwas den Euangelisch  
en / Apostolischen vnd Prophetischen leren widerwer  
tiges / Tut ers aber ( wie er sich solchs dan wol ynn  
etlichen stücken vnter standen hat / Als yndervorende  
rung des Sacraments den leyhen nur yn einerley ges  
stalt zugebrauchen / ym verbott der Priester / Le / Der  
Speysen / vnnnd der gleichen mehr ) so thut er vnrecht /  
vnd kan keynen bestandt haben / wie solchs im Decret  
auch vermeldet wurd z. q. 1. Capi: Sūt quidam : c.  
Contra statuta Item Omne quod c.

Das



Das alles zeige ich darumb an / das man darauß ab-  
 neme / die mutwillige Tyraney / vñ das grosse vnrecht  
 welchs wyr von ynen leiden müssen in dem allermeist /  
 Das sie vns so leichtfertiglich ketzern / vñnd vonn der  
 Christlichen kirche abgeschnittene glyder scheltenn  
 So sie doch vns yn keynem artickel des Christlichen  
 en glaubens abfellig befunden haben odder befunden  
 mögen / Sondern alleyn darumb / das wir nicht fur  
 artickel des glaubens halten noch halten sollen ( wye  
 ytz angezeigt ) was der Babst vñnd die Römische  
 kyrche leret vñnd gebeut / Darumb müssen wyr ketzere  
 sein / vñnd abtrunnige von der eynekeyt der Christliche  
 kirchen / Pfbu der schanden / vñnd des mutwilligen /  
 freuentlichen vrteyls der elenden blindenn leuttenn /  
 Das sie sollen andere lentte ketzern / vñnd absondern  
 vñ der kirche / So sie doch entzwar nicht wissen / oder  
 ya nicht wissen wollenn / was ketzere odder kirche ist /  
 Auff das aber yederman sehe vñnd höre wie freuent-  
 lich vñnd vnrechtlich vñns die elenden Papisten ver-  
 dampnen / vñnd das yr vrteil vnrecht sey / So wollenn  
 wyr alhie vnser bekenntnis vñnd glauben / Von der ey-  
 nekeyt der Christlichen kirche / öffentlich dargeben / vñ  
 darbey / vber solch vnser bekenntnis frey vñnd öffent-  
 lich vor gott / Euch vñnd der gantzen welt protestiren /  
 Das wir eines andern glaubens / bekenntnis odder  
 verstandes / von der eynekeyt der Christlichen kirchen  
 nicht sein / denn wie da volget.

*Lund  
 kaiser 2  
 künigs*

**Protestatio.**

Erstlich bekennen wir vñnd glauben festiglich / Das  
 da sey / Eine heilige gemeine Christliche kirche wye  
 wir dan mit der gantzen Christenheit / solchs anch yn  
 den gemeinen artickeln vnser heyligen Christlichen  
 glaubens bekennen.

**B** Zum





2  
Zum andern / Bekennen wir auch vnd yr solt vnss  
dieses vnser bekentnus frey nach sagen / Sunderlich  
aber den Papisten / wen sie sprechen wir seihen Ketzer  
Denn wyr seihen (wie sie sagen) abgewichen von der  
eynikeit der Christlichen Kirche. wenn yr solches von  
ynen höret / so haltet ynen für / dieses vnser bekentnus  
Nemlich / das wir auch bekandt haben / vnd hiemit  
frey bekennen. Das wer da abweicht oder abgewich  
en ist / von der einikeit der Christlichen Kirche / Der  
selbige ist eyn Ketzer vnd keyn Christ / vnd magnim  
mer mehr seilig werden / Er kere dan wider zu der ge  
meyn der Christenheit wie solchs der heilige Cipria  
nus in tract: De simplicitate prelatorum / gewaltig  
lich / beide mit Spruchen / Exempeln auß der gesch  
rifft vñ schönen gleichnissen / beweiset / Denn erstlich  
zu halten / die einikeit der Christlichen Kirche / vermant  
er alle Christē / mit diesem spruch Pauli .1. Co. 1. so er  
also spricht / Ich ermane euch aber liebenn brüder /  
durch den namē vnser hern Jesu Christi / Das yr al  
zumal eynerley gesinnet seid / vñ last nicht zwitragt  
vnder euch sein / Sondern das yr seid vollkommen yn  
eynem synn / vnd in eynerley meynung / Denn mir ist  
für kommen / durch die auß Cloes gesind vonn euch /  
das zancē vnder euch sey / Ich sage aber davonn /  
Das einer vnder euch spricht / Ich bin Paulisch / Der  
ander / Ich bin Appollisch / Der dritte / Ich bin Cet  
phisch / Der vierde / Ich bin Christisch. wye? Ist  
Christus nun yn stück teilet? Ist den Paulus für euch  
gekreutziget? Oder seid ir in Paulus namen getaufft?  
vnd zu den Ephesern .4. So ermane nahn euch /  
Ich Paulus gefangen yn dem hern / das yr wandelt /  
wie sichs gepürt ewrem beruff / daryn yr beruffent  
seid / mit aller demut vnd sanffmut / mit langmut /  
vnd vertragt eyner dem andern in der liebe / vnd seid  
vleyssig



fleissig zu halten die einikeit ym geyst/durch das band  
des friedes / Eyn leib vnd eyn geist / wie yr auch beruf  
fen seidt / auff eynerley hoffnung ewers beruffs. Eyn  
herr / Eyn glaube / Eyn tauff / Eyn gott vnd vatter  
vns aller / der da ist vber vns alle / vnd durch vns alle  
vnd yn vns allen / Auss dieser einikeit (darinn denn  
auch verfasst ist / die eynikeit der Christlichen kirche)  
wer davon abweicht / Der mag ia so wenig erhalten  
werden / Als wenig die lebendig blibenn die da nicht  
blieben in der Archen Noe / welche alle durchs wasser  
verturben / Gene: 7. wie Ciprianus auch am genantē  
ortte / dis exempel dartzu gebraucht. Des gleichenn  
das exempel / von der Raab / welche die kuntschesser  
zu Jericho vom Josua gesandt die stat vnd land zu  
verkuntschafften in yre behausung nam vñ verbarg /  
vnd auff den abent sie dieselbigenn am seyll durchs  
fenster ernider lies / Denn yr hauss war an der stadt  
maure / Die Raab aber verpfflichtigte die menner ee  
dan / sie von yr zogen mit eydes pfflichten / das sie soltē  
wen gott yhnen das landt vnd stadt eingeben wüde /  
vmb dieser trew willen / vorschönen yres vaters / mnt /  
ter / bruder / schwester vnd yres gantzen hauses / Sie  
alle nicht zubeschedigen Des verhischen sich die men  
ner gegen der Raab / Doch mit der bedingung / das  
sie sprachen / wir wollen aber des eydes los seyn / den  
du vom vns genomenn hast / wen du nicht die schnur  
dieses rosenfarben bendels in das fenster knupffest /  
da mit du vns ernider gelassen hast / vnd zu dir vns  
haus versamlest / dein vater / dein mütter / dein bruder  
vnd deins vaters gantze haus / vnd wer zur thur deins  
haus eraus gehet / des blut sey auff sein heubt / vnd wir  
vnschuldig. Aber aller die ynn deinem hausse seindt /  
So eyne hand an sie gelegt wurd / so soll yr bludt auff  
vnsrerem heubt sein / Josue. 2. Diese historienn ge  
braucht

*Ex. 4.*

*Raab / Jos.  
2. 11. / Jos.  
2.*



braucht Cyprianus auff diese weise dar zu. das gleich  
wie alles muste erschlagen werde/ sterben vnd verder-  
ben / was zu Jercho nicht yn dem eynigen hause Ka-  
ab gefunden ward / Also mus alles vmbkommen /  
was da nicht bleibt vnd entlich gefunden wurd /  
in dem eynigen hause / der einikeit Christlicher kirchen  
Dartzu solches weiter zubeweisen / braucht Cipria-  
nus am genantenn orte / Drey schoner gleichnyssen /  
Eyns von der Soñen glantz. Das ander / Von eynē  
abgehawenen zweige / Das dritte / Vom abgeteilten  
stram von seinem vrsprünglichen brunn / vnd spricht  
Die Sonne ist ein eyniges licht / Sie hat aber vvel  
glentze / die davon ir gehe / welchen glantz du nun ab-  
sonderst durch verhindernus / das er nicht von dem  
einigen liecht der Sonnen seynem schein behelt / der  
vertunckelt vnd verleust den schein / Des gleichen  
auch. Eynbaum aus eynem stam vnd wurtzel er-  
wachsen / hat viel zweige / welcher zweig nit bleibt yn  
stam / sondern abgehawen wurd / der mus verdorre.  
wie dan solchs auch geschicht / mit den wasser bechen /  
welche von einem eynigen quell entspringen wo die  
selbigen wasser strom abgestochen werden / von yren  
vrsprüngliche brunquell / So müssen sie vertragenen.  
Also auch / wer danicht bleibt / bey dem einigen lycht  
Stam vnd lebendigen brun der Christlichen kirche /  
welchs licht des lebens / Eyn gepflantzter stam vom  
Vatter / vnd brun des lebendigen wassers / ist Chris-  
tus / wie er solchs selbert von ym zenget / Johan. 8.  
15. 4. 7. Das / wer sich vō diesem licht Stam Brun  
der Christenheit begibt / der mus im finsternus bleibe  
Verdorren / versigen / verschmachten vnd zu nicht wer-  
den / Entlich zubeweisen / wie das / auswendig der  
eynikeit der Christlichen kirche kein heyl sey vnd wer  
sich von der selbigen begeben / Das er ein ketzer sey vnd  
kein

*Tres rampa  
homas  
prianus  
vnter*

*Sarca*





Keyn Christ / Das wissen wir (wle wir dan / als die/  
welchen der seuen heil vnd selickeit auch ein ernst / Ja  
ein grosser ernst ist / nichts vnerforscht lassen ) auss dē  
Decret 24. q. 1. Capi. Alienus. Da selbst schleust der  
Pabst also / Der ist kein Christ / Er ist auch böss / Er  
ist ein feind vnd mag gott den almechtigen fur Keyn  
nen vatter habē. Der die einigkeit der gemeinē Christi  
lichen kirche nit helt / wan zweien auss euch (spricht  
Christus) in meinē namē versamlet sein etc. Wie mag  
aber yemandt mit den andern vber ein Komme / Der  
mit dem leib der kirchē / vñ der gantzen bruderschaft *Inclusio*  
nicht vber ein kumpt? wie mögen aber zweien odder  
drey in dem namen des hern versamlet sein / Da offen  
bar ist Das sie sich vō Christo / vnd seynem Euangel  
lio sundern? Sehet Das alles halten vñ glauben vnd  
bekennen wir / Noch können wyr von den elenden  
lügen eüllern nicht vnbeschuldiget bleyben / vnd vngel  
kertzert / vnd müssen ausgeschriegen werden von ynen  
als die / welche abgewichen seyn / von der Eynigkeit  
der Christlichen kirche / Allein darumb / Das wyr der  
Römischen kirchen nit allenthalben anhengig sein  
wollen noch können / Derhalbē (sag ich) müssen wir  
kertzert seyn / vnd abgewichene von der Christlichen  
kirche / So doch (wie obenn angezeygt) diese conse  
quentz sich gar nit leydet / so man also arguiren will.  
Der ist nit in der einigkeit der Römischē kirche / Ergo /  
ist er auch abgewichen vō der einigkeit der Christlichē  
kirche / Möchstu aber sagen / So die Papisten vnd  
die Euangelische alle zu gleich glauben vnd bekennē  
Eyne heilige Christliche kirche / vnd zum andern /  
Bekennen sie auff beyden seitten / Das / wer da nicht  
bleibt / Sondern abweicht von der eynigkeit der  
Christlichen kirche / Der selbige ist ein kertzert vnd Keyn  
Christ / warin stehet dan nun d̄ zank oder zwitteracht  
E zwischen



zwischen ynens Antwort / der grundt dieser zurspalt  
tüg stehet / in missuerstande der Papisten / Das sie  
zum erstē nicht wissen / was die Christliche kirche sey /  
vñ zum andern / Das sie nicht verstehen odder wissen  
wollen / warin stehe / die einikeit der Christliche kirche  
Davon wollen wir alhie entlich reden vnd damit be-  
schlyessen.

Beschreybung der kirchen /  
vñd yrer Eynikeyt.

Derhalben ist hie zu mercken / das die Christliche kyr-  
che nichts anders ist / dann eyne gemein odder vers-  
samlung der heyligen / Das ist der glaubigen / yn wel-  
cher versammlung das heilige Euangelium Jesu Christi  
recht geleret / vñd die Sacrament / nach des selbigen  
ordnung recht gereicht werden / vñd die eynikeyt der  
Christlichen kirche / stehet eygentlich in der einmüti-  
gen / vñd einmündiger lere / des gottlichen worts / vñd  
Euangelij Jesu Christi / vñd das man die Sacra-  
ment Christi nach ordnung gottes gebe vñd gleich-  
förmig entphahet / vñ gehört gar nicht zur eynikeit der  
Kirchen (wie die Papisten wenen / das man / in eusser-  
lichem Ceremonienn / auff eynerley weyse vñd ardt  
wandle / Sonderlich yn den Ceremonienn / so von  
menschen in die kyrche hergebracht seyn.

Diese beschlus rede begreiffet drey teyl ynn sich / Die  
wollen wyr auch feyn kurtzlich nacheinander beschen  
Zum ersten wurd die Christliche kirche beschryben /  
nemblich auff diese weyse / Das sie sey eyne versamlung  
der heyligen / das ist / aller glaubigen / Bey welchen  
das Euangelion Jesu Christi recht geleret / vñd die  
Sacrament nach des selbigen ordnung recht gebraucht  
vñd gegeben werde / Das aber diese beschreybung d  
Christlichen kirche recht sey. So müssen wir beschen /  
den

*Dem schiffen  
von London  
den pabst  
selber / In  
seinem ardt  
vñd in  
unserer ordnung  
vñd in  
den landen  
vñd in  
den landen*



den heiligen Paulū welcher gleich auff diese weyse vō  
der Christlichen Kirche redet / Nemlich das sie heilig  
sey / vmb Christus willen yres heubts / Der sehe durch  
seyn wort vñnd geyst auffricht / heyliget / regyret vñnd  
erhelt. Ephesi: 1. vñnd das dis gewissliche anzeygung  
seyndt der heiligen Christlichen Kirche / wo das Euangeliū  
vñnd der gebrauch der Sacramenten / nach laud  
des Euangelij recht gehet beweyst der heilige Pau-  
lus Ephes. 5. so er also spricht / Christus hat geliebt die  
gemeyne / vñnd hat sich selbst für sie geben / Auff das er  
sie heyliget / vñnd hat sie gereiniget / durch das wasser  
badt im wort / Auff das er ym darstellte ein herlige ge-  
mein / die nit habe einen flecken / oder runtzeln / odder  
des etwas. Sondern das sie sey seylig vñnd vnstreff-  
lich / Auff diese weyse wurd auch die Christliche Kir-  
che beschriben / in dem gemeinē bekentnis der artickel  
vnser heiligen Christliche glaubens / so wir sprechē  
Ich glaube / das da sey eine heilige Christliche Kirche  
was aber die selbige sey / wurd mit diesenn wortten  
gemeldet / so baldt darauff volget / Nemlich. Die ge-  
mein der heiligen / welche alle vnter ynen haben / die  
gemeinschaft / der eynigen lere des Euangelij Jesu  
Christi / Des heiligen geystes der Sacramenten von  
Cristo zu gleych für alle Cristē geordenet zu gebrauch  
en / Der schlüssell vber sunde / Helle vñnd Hymel / wel-  
che gütter Christus der Christlichen Kirche / seyner  
braudt alle verheysen / geschenckt vñnd geben hat / vñ  
sie damit ym auff s herlichste zugericht vñnd gesch-  
mückt hat / Als mit dem edelesten / reichstē geschmück  
Diese aller edeleste tröst / werden vns fürgehalten / vñ  
wyr werden der selbigen erinnert / yn diesem bekent-  
nis des artickels vonn der Christlichen Kirchenn  
Derhalbenn auch nit weniger vonn nöten ist / diesenn  
artickel woll zu treyben / vñnd zulernen / als andere  
C ij artickel



artickel des glaubens. Sonderlich inn dieser letzten  
zeyt / da gar schyr dieses artickels widder trost / noch  
verstand oberig bliben ist / Sonder durch die Parthey /  
sche Römische kirche fast gar vertunckelt.

Czum andern meldet / die vorige schlüsrede / warinn  
stehe die einikeyt der waren Christlichen kirche / vnd  
schleust / Das sie stehe / inn der einmüttigen / eynmüdi  
gen lere götliches worts vnd Euangrlij Jesu Cristi /  
vnd gleychförmigen gebrauch / der Sacramenten  
nach dem besel vnd ordnung Jesu Christi / Aus  
welcher einikeit / der einige lere vñ gleichen gebrauch  
der Sacramenten / der gantzen Christenheit / wer da  
abtrit / der selbige weycht von der eynikeit der Christ  
lichen kirche / vnd wurd Christo widerwertig / wye  
den Christus selbert spricht Mathei. 12 . wer nit mit  
mir ist / der ist wider mich vnd wer nit mit mir sam  
let / der verstreuet. Das aber die eynikeit der gantzen  
Christlichen kirche / stehe in der eynikeit / der eynigen  
lehre / Glaubens / vnd gleichem gebrauch der Sacra  
menten. Das erweyßt der heylige Paulus in diesem  
sententz so er spricht Ephe. 4. Seyd vleyssig zuhalten  
die eynikeyt im geist / durch das band des frids / Ein  
leyb / vnd ein geyst wye ir auch beruffen seid auff einer /  
ley hoffnung ewers beruffs / Ein Herre / Ein glaube  
Ein tauffe Ein gott vnd vatter vnser aller / Der do  
ist vber vns alle / vnd durch vnss allen vnd in vns allen  
weyl nu die einikeyt der Christlichen kirche / stehet  
eigentlich in den itzt verzelten stücken. So vrteilet yr  
alle miteinander. Ja yr Papisten selber Ab wir oder yr  
Papisten abgetretten seid von der einikeyt der Christ  
lichen kirche / vnd sehet euch gar eben für Das es euch  
nicht widerfare nach dem sprich wordt wer ober sich  
hawet / dem fallen die spene gerne in die augen / vnd  
wir sagen müssen / Artz hilff dyr selbert. Oder müssen  
eynn



ein spotliedlein mit dem propheten von euch vnnsern/  
vnd vnser Christlichen glaubens feinden machen/  
Das wir singen vnd sagen / Sie haben eyne grube  
vns gegraben vnd seyn selbert darein gefallen / wie  
euch zwar gemeiniglich geschicht / wen yr meynet / yr  
habt den bogen / auff vns gezylet vnd wolt vns mort-  
lich schiessen / So keret sich der pfeil vmb vnd triffet  
den schützen selber / Also gehetz euch Papisten alhye  
eygentlich / yr schreyt vnd schreibt / wer da nit bleibt  
in der eynikeyt der Christlichen kirche / Der ist eyn  
Ketzer / vnd vormeindt vns damit Ketzer zumachen  
vnd sehet nicht / Das nirgens mehr Scismatici vnd  
zutrenner der Christlichen eynikeit seynd / dan vnter  
euch Papisten / Denn yr habt ia keyne eynige gewisse  
lehre / keyn gewissen glauben / keyn beständigen standt  
des lebens / weder nach Christus / Nach des Babst  
ordnung / wie dan das alles am tage ist / das ym  
Babsthumb kein Concilium mit dem andern gleych  
schleust / Ja gar oft geschicht / was ein Concilium  
beschleust vnd beschlossen hat / Das hebt ein ander  
Concilium wider auff / Des gleyche / kein Babst stympt  
mit dem andern / Sondern / Syner hebt des andern  
satzung frey vnd sicher auff / wie vnd wen er wil / vnd  
spricht (wie im Decretal geschriben stehet) Transla-  
to sacerdotio / transfertur et lex. Das ist / wo das pries-  
terthumb verendert wurd / Da ist nott Das auch  
das gesatz verendert werde / vnd wil sagen / wen der  
Babst nimmer ist / so wurd auch auffgehoben sein  
gesetz / Also mag ein ander Babst nach dem ytzigen  
sagen / Translato sacerdotio Clementis / transfertur  
et lex Clementis / Sehet / Also gewis vn wolgegrüdet  
bestehet das Babsthumb / Summa / Es ist löcherig  
dince ym gantzē Babsthū / Da stympt kein Concilium  
mit dem andern / keyn Babst mit dem andern / keyn  
D Canon

*Contrarium  
conciliorum  
arguit contra  
statum pa-  
pistarum*



Canon mit dem andern / Kein lehre mit der andern /  
Kein lerer mit dem andern / Kein Gottes dienst mit dem  
andern / Kein Stiffung / Kein Möncherey mit der an-  
dern / Kein leben mit dem andern / Sonder / Das sind  
eytel Secten / Kotten / Scismatici vnd zutrenner des  
rocks Christi / warumb das? Darumb das / Das  
gantze Babsthum nit auff den fels Christum des leb-  
bendigen Gottes sohn (wie alhie Petrus bekent / vnd  
sich darauff ergrundet) ergrundet ist / sondern nuhr  
auff eynen menschen / Den Babst / Derhalben muss  
auch in der Römische Kyrche alles vnbestendig seyn /  
wie der mensch der Babst / wankelmütig ist / So  
doch der Christlichen Kirche / Kein ander grundt ist  
(wie auch das Decret selber meldet i. q. i. Capi. Cum  
Paulus) denn Jesus Christus  
Die weyl den nun / in der Hebstischen Kirche / Kein ey-  
nigkeit / wider nach Christus / nach des Babst ordel-  
mung ist / Sondern eytel zurspaltung / So ist offen-  
bar / Das eben die Papisten abgesundert sein / von  
der eynigkeit der Christlichen Kirche / vnd wer ym  
Babsthum furhin gewesen ist / Es sey Mönche Nonne  
Leyhen oder Pfaffen / vnd haben sich durch gottes  
erkentnus vom Babsthum zum Euangelio begeben /  
Die haben sich eygentlich vom Teuffel zu Gott / Von  
der Partheyischen Römischen Kirche zu der Christlichen  
Kirche wider begeben / vnd sollen Gott yrem vater  
vñ hertzen fur solche vnaussprechliche genade danckē /  
Ich wil geschweigen / das sich yemand solte / der blin-  
den / elenden Papisten mordgeschrey bewegen lassen  
welche yn warheit an yrem Gott / vnd an yhrer Tauf-  
fe gethanen gelubnis meineidig worden seindt.  
Sprichstu aber / Ja seind doch auch vil Secten / vn-  
ter des Euangelij namen / Als Czwingeler / Decolam-  
padier &c. wo bleybt dan bey yhnen die eynigkeit der  
Christlichen



Christlichen Kirche / Ist sie nicht beyden Euangelisch  
 enn auch zutrent? Antwort / Der heylige Paulus  
 spricht. 1. Co. 11. Es müssen spaltüg sein / auf das die /  
 so bewerdt seind / offenbar werden / vnd Christus yn  
 Euangelio Mathe. 18. Es mus ia ergernus kommen.  
 Doch wee dem menschen / durch welchenn ergernis  
 Kompt. Daraus schlies ich also / Secten vnnnd erger  
 nus müssen in der Christenheit seyn / Aber darauff  
mus man sehen / welche da seyn der secten vnnnd erger  
nis Authores vnd tutores / Das ist Stiffter / anfeng  
er vnd vertediger / So seind wir ia wider für Gott /  
noch für der welt / der Decolapadischer / noch Czwint  
glischer / noch keiner secte patron noch schutzer / Sun  
dern wir predigen einfeltiglich Jesum Cristü den ges  
Kreutzigeten / vnnnd legen vnns wider alle Secten / sie  
seynd new oder alt wie dan solchs zeuget vnser feder  
vnd mundt / Die Papisten aber seind vnd wollen seyn  
yhrer vngegruntten Secten / lere vnnnd lebens beyde  
stiffter vnd vertediger / Derhalben fallen sie auch bil  
lich ynns vrteyl Das sie yn warheyt abgewichen seynd  
von der cynikeit der Christlichen Kirche.

*Spaltung  
 Ergernisse*

*Auffgänger  
 Tutor  
 Patron*

Endlich vnd zum beschlus dieses Sermons / meldet  
 die vorige Proposition / Das die einikeit der Christ  
 lichen Kirche / nit stehe yn gleichformikeyt / Eusserlich  
 er Ceremonien / von menschen geordenet / Das reden  
 wyr aber nicht darumb / das wyr keyne ordenung yn  
 der gemein halten solten / vnd müste alle on ordenung  
 bey den Christen zugehen / So doch Paulus sagt. 1.  
 Corin. 14. Last es alles erbarlich vnd ordenlich zuge  
 hen / Sondern / Das wyr die cynikeit der Christliche  
Kirchen / nicht weye die Papisten / nur nach der eynfor  
mikeyt der Eusserlichen Ceremonien ermessen / Sondern /  
Nach der eynformikeyt des worts / vnnnd ges  
brauch der Sacramentenn nach ordenung Christi /

*Unitas est  
 no ex Unitate  
 et ceremoniis  
 sed ex  
 Unitate Ver  
 bi Dei, et usu  
 sacramentorum  
 recte factorum*

D ii Ten



Den wyr seynd des gewiſſs / wo das wort recht gepre-  
diget wurd / vñnd die Sacramenten gebraucht nach  
dem beſel Christi / Da ſelbs ſeynd Chriſten / vñ wurd  
gehalte die rechte eynikeyt / wo aber das wort Gottes  
nicht eyntrechtig vñnd rechtſchaffen gelert wurd / Ja  
darwider gehandelt ( wie bey den Papiften geſchicht  
vnter andern / yn der lehr vñnd gebrauch des Sacra-  
ments des altars ) Da iſt gewiſſlich keyn Chriſt / noch  
eynikeyt der Chriſtlichen Kyrchen / wye gleich förmig  
ſie auch ymmermer ſeyn yn eufferlichen Ceremonien.  
Denn ſeynd doch woll Juden / Turcken vñ Tattern  
yn Ceremonie gleich förmig Sye ſeynd aber darüb  
nicht Chriſte / warumb? Sye haltē nicht die rechte na-  
turliche eynikeytt der Kyrchen / Nemlich der Lehre /  
Glaubens vñnd Sacramenten / Derhalben muß auch  
dye eynikeyt der Chriſtlichen Kyrche nycht nach den  
Eufferlichen Ceremonien vonn menschen geordenet  
ermessen werden / Dan ſie ſtehet ya nicht yn der ſelbi-  
gen eynformikeyt / wye ſolchs auch Klerlicher weyſt /  
wurd aus der Historien Ecclesiastica Tripartita ge-  
nantli. 9. Cap. 38. Vom oſterfeſt / vñ andern ſtückē  
mehr / welche yn der Erſten Kyrchen gar vngleich ge-  
halten worden von den Chriſten / vñnd ward doch die  
Mayeſtet vñnd eynikeyt des glaubens durch ſolche  
vngleyche haltung der Ceremonien nychts verletzt /  
Wer da luſt hat ſolches mit warheyte zuerfahren / der  
mag Tripartita am genäten ortte ſelbert leſen / dan es  
iſt zulange alles hie anzuzihen / Sonderlich aber alle  
glaubigen zuuerſichern / Das bey den Chriſten / am  
wenigſten gelegensey / an eufferlichen Ceremonie wie  
die ſelbige gehalten werden / So allein Die lehr des  
glaubens / vñnd Chriſtlichen wandels recht gehe-  
werden in tripartita historia am genantē orthē / dieſe  
wort angezogen. Mens Apostolorum fuit / non de  
diebus

*Augustinus  
lib. 9. ca. 38*



diebus festis sancte / sed predicare bonam conuersa-  
tionem et pietatem. Das ist so viel gesagt / Es ist der  
Apostel gemüt vñnd meynung gewesen / Nit viel zu  
gepieten / vonn den hochzeitlichen tagen / Sunder/  
das sie /eynen rechten gutten wandel predigten / vñnd  
den dienst gottes lereten / Die weil dan yn der Ersten  
Kirchen (da freylich der glaub am besten gestandenn  
ist) die vnter schidliche gebreuche der Ceremonien dē  
Glauben zu keinem nachteil gereicht hat / vñnd ist da  
durch die Einickeyt der Christlichē Kirche nit verletzt  
worden / warumb solte eben itzundt die Christenheit  
durch vngleiche haltüg eusserlicher Ceremoniē nicht  
bestehen / wen die lere vom glauben vñnd Sacramentē  
ym rechten schwancf gehen? wyr wollens aber auff  
dis small alhie lassen bleyben vñnd gott vmb  
genade anruffenn / Das er vnns bey seinem  
reinen lautter Euangelio erhalten wolte / vñ  
vnns ya nicht vom rechten glauben lassen  
abfallenn Amen.




Faint, illegible text, likely bleed-through from the reverse side of the page.

Sarva










Sarva











34B  $\frac{14}{k,7}$

AB 34B  $\frac{14}{k,7}$

№ 221.


(x 2018455)

53.









B.I.G.

Farbkarte #13



Eyn Sermon / von der kirche / Am tage Petri und Pauli / vber das Euangelium Matthei. xvi. Geprediget ym Jar 1531. Durch Egidium Mecheler Prediger zu Erfurdt.

14

